

# گوجری کی پنجویں کتاب

5



دی جموں اینڈ کشمیر اسٹیٹ بورڈ آف سکول ایجوکیشن

پہلو ایڈیشن: 2011  
دو جواہر ایڈیشن: 2016

© جملہ حقوق بحق جمou و کشمیر اسٹیٹ بورڈ آف اسکول ایجوکیشن محفوظ ہیں۔  
2T August, 2015

ناشر کی پہلے سے اجازت حاصل کیے بغیر اس کتاب کے کسی بھی حصے کو دوبارہ پیش کرنا، یادداشت کے ذریعے بازیافت کے سسٹم میں اس کو محفوظ کرنا، یا بر قیاتی، میکانی فوٹو کا پینگ، ریکارڈنگ کے کسی بھی وسیلے سے اس کی ترسیل کرنا منع ہے۔  
اس کتاب کو اس شرط کے ساتھ فروخت کیا جا رہا ہے کہ اسے ناشر کی اجازت کے بغیر، اس شکل کے علاوہ جس میں کہ یہ چھاپی گئی ہے، یعنی اس کی موجودہ جلد بندی اور سرورق میں تبدیلی کر کے تجارت کے طور پر نہ تو مستعار دیا جا سکتا ہے، نہ دوبارہ فروخت کیا جا سکتا ہے، نہ کرایہ پر دیا جا سکتا ہے اور نہ ہی تلف کیا جا سکتا ہے۔  
کتاب کے اس صفحے پر جو قیمت درج ہے وہ اس کتاب کی صحیح قیمت ہے، کوئی بھی نظر ثانی شدہ قیمت چاہے وہ ربر کی مہر کے ذریعے یا چیپی یا کسی اور ذریعے سے ظاہر کی جائے، تو وہ غلط متصور ہو گی اور ناقابل قبول ہو گی۔

## کنیز فاطمہ ڈائریکٹر اکیڈمک جوانسٹ سیکرٹری پبلی کیشن

نگران  
اشاعتی صلاح کار

- ڈاکٹر جاوید راہی (کوآرڈی نیٹر گوجری)  
• منشاء خاکی • محمد جمیل • محمد شکیل

مؤلفین:

For Free Distribution

## دی جمou اینڈ کشمیر اسٹیٹ بورڈ آف اسکول ایجوکیشن

سیکرٹری جمou اینڈ کشمیر اسٹیٹ بورڈ آف اسکول ایجوکیشن

تاج پر نظر (رجسٹرڈ) A/69 نجف گڑھ روڈ، انڈسٹریل ایریا، موئی نگر، نئی دہلی 15 میں چھپوا کر ٹیکست بکس سیکیشن سے شائع کیا۔

Design by: TAJ PRINTERS®

Najaf Garh Road, Industrial Area, Moti Nagar New Delhi-15  
Mob.: 09266933008, 9818333008, 9818933008

# تعارف

ریاستی سرکار کو یہ تاریخی فیصلہ تمام گوجری بولن آلا اعلاقاں ماتے گر بچاں واسطے سرکاری تے غیر سرکاری سکولاں ما پہلی جماعت توں گوجری زبان ایک مضمون کا طور پر پڑھائی جے گی، بڑواہم قدم ہے پر اس فیصلہ نامی طوراً کو کرن واسطے پہلی شرط گوجری قادوتو گوجری کی پنجویں کتاب تیار کرنوتے شائع کرنو تھو۔ یوہ اہم مسئلہ جموں و کشمیر بورڈ آف سکول ایجوکیشن نے اپنے ذمے لے کے پچھٹ عرصہ مانجوبی تے خوش اسلوبی سنگ انعام دتو۔ دو جی ضروری شرط ہے اسکولاں ما گوجری پڑھان آلاں اُستاداں کی دستیابی۔ اس مسئلہ کا حل واسطے اسٹیٹ بورڈ آف اسکول ایجوکیشن گوجری بولن تے پڑھن آلام موجودہ اُستاداں واسطے درکشاپ منعقد کر کے تربیت دین کا انتظام کرے گو۔ ان درکشاپاں ما گوجری پڑھان توں علاوہ گوجری رسم الخط بارے پوری جانکاری دیتی جے گی۔

اسٹیٹ بورڈ آف اسکول ایجوکیشن ڈاکٹر جاوید راہی کوچ شکر گزار ہے جہاں نے کچھ ہی دنال ماورنگ ڈرافٹ تیار کیا۔ تے چوہدری محمد مشاخا گی کو وی بہت مشکور ہے کہ انہاں نے اس سلسلہ ماضی رو تعاون دتو۔ بورڈ پی ڈائریکٹر اکیڈمکس تے کووی مشکور ہے۔ نال ہی گراف ڈیزائنس ہوراں کووی خاص کر شکر گزار ہے جن کی ذاتی کوشش تے محنت کا نتیجہ ماں گوجری کی یاہ پنجویں کتاب اتنا کبھٹ ویلاما سامنے آسکی۔ اس سارا کم ناسرا نجام دین ما محترمہ کنیز فاطمہ ڈائریکٹر اکیڈمک / جوانسٹ سیکرٹری پبلیکیشن) کی ذاتی وجہ پی تے پر خلوص کوششناں کو وی بڑو دخل ہے۔

یاہ کتاب محاری پہلی کوشش ہے، اس ما کچھ کمیں ٹھٹھیں رہ گئی ویں گی، اس ناپڑھ کے نہ صرف اپنی فیضی رائے نا؛ نواز یو بلکن جے کدے کچھ غلطی رہ گئی ویں گی اُن کی شناخت کر کے ہم نا ضرور دسیو تاں جے اگلا ایڈیشن ما اس سلسلہ ما ضروری ترمیم تے اضافا کیا جاسکیں۔

پروفیسر ظہور احمد ڈاٹ

(چیئرمین بورڈ)

# دو گل

گوجری زبان بولن تے پڑھن لکھن آلاں واسطے یاہ فخر تے خوشی آلی گل ہے جے دُوجی زباناں کے نال ہنان گوجری زبان ناوی نصاب شامل کرن بارے ریاستی حکومت نے اہم تاریخی فیصلو یو ہے۔ یاہ وقت کی لوڑ ہے تے گوجری بولن آلاں کی حوصلہ افزائی وی کیوں جے عالمی سطح وراس حقیقت ناتسلیم کیو گیو ہے جے ماں بولی (مادری زبان) بچنا ہر طرح کا علم ناں سکھان کو بہترین ذریعو ہے تے خاص کر منڈلی سطح کی تعلیم واسطے مادری زبان اس گلوں وی فائدہ مند ہے جے اک تے بچنا اپنی وراثت، اپنی ثقافت تے اپنا تمدن بارے جانکاری ملے۔ دو جے وہ کسے قسم کا احساس کمتری یا برتری کو شکار نہیں ہو تو .... اجیو ماحول بچہ واسطے ہر لحاظ سنگ فائدہ مند ثابت و ہے گو۔ وقت کا اس تقاضہ ناپورا کرتاں ایک جذبہ کے تحت ریاستی حکومت نے جموں و کشمیر ما بولی جان آلی اکثر زباناں نا پرائمری سطح توں اسکولاں ما پڑھان کو فیصلو یو تے ان ما گوجری زبان وی شامل ہے۔ اس کتاب نا تیار کرن واسطے بورڈ آف اسکول ایجو کیشن نے اس سلسلہ ما پہلاں ایک مسو ڈوتیار کیو تے فر اس پرورکشاپ منعقد کر کے مسودہ نا آخری شکل دتی گئی۔ بورڈ ان تمام ممبراں کو بے حد مشکور ہے جہاں نے اس کتاب کا تیار کرن ما اپنو تعادن دی تو۔ گوجری کی یاہ کتاب چیئر مین بورڈ آف اسکول ایجو کیشن تے سیکریٹری بورڈ آف اسکول ایجو کیشن کی ذاتی کوششان تے محنت کو نتیجو ہے۔ امید ہے جے مھاری یاہ کوشش آتی نسلام واسطے کامیاب تے مج فائدہ آلی ثابت و ہے گی۔

مؤلفین

# ترتیب

صفحہ	عنوان	نمبر
III	تعارف	I
IV	دوگل	II
01	ندھی مقامات کی سیل	01
05	سچ تے گوڑ	02
08	ذکر	03
11	اک تھوشنخ چلی	04
14	اُستاد	05
17	چنام گوجری اکھان	06
20	ایمبو لینس گلڈی کی کہانی	07
24	کپڑاں کی دعوت	08

27	دینہہ پھیر	09
30	پنڈت نہرو کی چھٹی، بچاں کے ناں	10
34	بaba صاحب امیڈ کر	11
38	شیطان کی نصیحت	12
40	اکھ	13
44	دنیا کی سب تیس اُپی عمارت	14
49	میاں نظام الدین لا روی	15
51	نعت پاک	16
54	تحامس الیوائید یسن	17
56	محار و ملک ہندوستان	18
58	محاری زمی	19

# نذری مقامات کی سیل



عزیز بچو! آواج تم ناک مسیت، مندر تے گرجا کی سیل کراو۔  
تم ناپتو ہے جے مھارا ملک ماسارا مذہب انا من آلا بکھ بکھ لوک رہیں۔ ان ماہندو  
مسلمان، سکھ تے عیسائی شامل ہیں۔ آؤ دیکھو جے یہ سارا لوک کس طرح یا عبادت  
کریں:

## مسیت :

یاہ اک مسیت ہے۔ مسیت مسلمان نماز پڑھیں، ات اک مولوی و ھے جہڑو پنجے وقت نمازیاں ناباجاعت  
نماز پڑھاوے۔ اس نا امام کہیں۔ مھاری ریاست ماہر گراں، شہرتے ہر علاقہ ماکنیں ایک مسیت ہیں۔ علاقہ یا شہر کی مرکزی  
مسیت ناجامع مسجد کہیو ہے۔ جت سارا مسلمان جمعہ کی نماز پڑھیں۔ تم ناپتو ہے جے نماز ہر مسلمان ورفرض کی گئی ہے۔




## مندر:



مندر ما ہندو بھائی اپنا طریقہ سنگ عبادت کریں۔

ہر روز سو یلے مندر ما بڑی بھیڑ لگے۔ جتنے لوگ پوجا کریں،

پھر چار ڈھیں، دھوف بتی بالیں، تے متحوٹکیں۔ مندر ما اک پنڈت وھے جہڑا عبادت کراوے۔ اس نا پُجھاری بھی کہیں۔ مھاری ریاست ماسیکڑاں مندر ہیں۔ جموں کا شہر نامندر آں کو شہروی کہیو جے۔



## گورودوارو:

گورودوارہ ماسکھ لوک عبادت کریں، اس اک گرنٹھی وھے جہڑا وسکھاں کی مذہبی کتاب گرنٹھ صاحب ناپڑھ

تے اس کی دیکھ رکھ کرے۔ سکھ لوک روز شام تے سو یلے گورودوارہ ماجا کے متحوٹکیں۔ مھاری ریاست جموں و کشمیر ما کئی

اک بڑا مشہور گورودوارہ ہیں۔ جتنے روز بڑی بھیڑ لگے۔

# گرجا:



گرجو عیسائی لوکاں کی عبادت گاہ ناں کہیں۔ اتار کا دھیاڑے سارا عیسائی لوک بچتے بڑا، گرجا ماجیں تے اپنا مذہبی طریقہ سنگ عبادت کریں۔ چرچ ما اتار کا دھیاڑے خاصی بھیڑ لگے۔ ات پادری لوکاں ناچنگی چنگی گل دیں تے خدا کا گیت گانویں ہور دعا کریں۔



## پڑھو تے سمجھو:

پنج وقت : نماز کا پنج وقت

دھوف : خوشبو جہڑی مندر مباریں

قدس : عزت تے احترام آلو

## سوچو تے جواب دیو:

۱۔ مھارا ملک ماں کس کس مدھب کا من آلا لوک رہیں؟

۲۔ امام کو کے کم و ھے؟

۳۔ پُجارتی کے کرے؟

۴۔ گرنٹھی کس نا کہیں؟

۵۔ پادری کو کے کم و ھے؟



# سچ تے کوڑ



سچ کی تکو اُپی شان  
پچو میرو آپ قرآن  
سچ کو پلو بھارو تکو  
کوڑو کوڑ کو لارو تکو  
منھ کے اپر پچو بھڑ کے  
دل کے اندر کوڑو اڑ کے  
ہرجا سچ کو شملو اُچو  
کوڑو باندے باچھڑ لچو



پچو ہر جا اُچیں کڑ کے  
پٹھ سُپٹھو کوڑو بھڑ کے  
پچو گردن چا کے چلے  
ہر جا جھنڈو چج کو ہلے  
جڑ کے تانو پیٹو طٹھے  
کوڑ کو سارو بھانڈو پھٹھے

چودھری تاج الدین تاج

## پڑھوتے سمجھو:



شملو : صافو، پگ، دستار

باندے باچھڑر : سامنے، ظاہر

بھانڈ و پھٹنو : سچ باندے آنو

## سوچوتے جواب دیو:

۱۔ پچھومیر و آپ ..... (قرآن، ایمان)

۲۔ دل دل کے سچ کوڑو ..... (اڑکے، رڑکے)

۳۔ دُنیا سچ کے پچھے ..... (چلے، نسے)

۴۔ ہرجا سچ کو ..... اُچو ..... (شملو، جملو)

۵۔ ہرجا ..... سچ کو ہلے ..... (ترنگو، جھنڈو، بندو)

۶۔ کوڑ کوسارو ..... پھٹے ..... (بھانڈ و پھٹے، سر پھٹے)

# ذکر



یا وَ مالک میرا  
 یا وَ قادر میرا  
 سارا ملک تیرا  
 سارا ملک نورانی  
 کوئے نی تیرو ثانی  
 یا وَ قادر میرا  
 سارا مملک تیرا  
 سب کو خالق توں ہے  
 سب کو مالک توں ہے  
 سب کو رازق توں ہے  
 سب کو حافظ توں ہیں

یاُ قادر میرا سارا

سارا ملک تیرا

اُچی ذات ہے تیری  
کر مدد ہن میری

دل ناوے دلیری

اُچی شان ہے تیری

یاُ قادر میرا

سارا ملک تیرا

تیں اسمان بنایو

تارو وی چمکایو

لوح قلم بنایو

دینہ چن چمکایو

یاُ قادر میرا

راوی: عل دین شاکر

## پڑھوتے سمجھو:

قادر : قدرت رکھن آلو، اللہ کو صفاتی ناں  
 ثانی : اُسے جیسو دوجو، بعد ما آن آلو  
 خالق : خلقت کو بنان آلو، بنان آلو، اللہ کو صفاتی ناں  
 رازق : رزق دینے آلو، اللہ کو صفاتی ناں  
 لوح و قلم : تختی تے قلم

## سوچوتے جواب دیو:

- |                                    |   |
|------------------------------------|---|
| ۱۔ یاؤ مالک.....                   | (میرا، سارا)  |
| ۲۔ سارا.....                       | نورانی (ملک خلق)  |
| ۳۔ سب کو.....                      | توں ہے (رازق، مددگار، دوست)                                 |
| ۴۔ ذات ہے تیری۔                    | (اُچی، بڑی، چنگی)   |
| ۵۔ .....وی بنایو، دینہ چن وی چکایو | (جہان، مکان، لوح و قلم) (لعل دین شاکر، عبدالغنى، شریف احمد) |
| ۶۔ اس ذکر ناروايت کرن آلو کون ہے؟  | (لعل دین شاکر، عبدالغنى، شریف احمد)                         |



(گوجری لوک کہانی)

## اک تھو شیخ چلی

اک تھو شیخ چلی۔ وہ ایک باری جنگل مالکڑی کپے کرے تھو، اتنا ما اُتوں کوئی جنوں لنگیو۔ وہ اس نالگو کہن توں بُن ڈھے جے گو۔

شیخ چلی نے جواب دی تو ”جا جا! تناں بڑو پتو ہے۔ توں کوئے خدا آگیو ہے، جس دیلے ڈالو کپیو تے وہ بُن ڈھے گیو۔ شیخ چلی اس آدمی کو لے دوڑ تو پوچھیو تے اُت اُس نا جا گے لگو کہن۔ ”توں بڑو سیانو ہے، تناں سب کجھ پتو ہے۔“ جنو لگو کہن ”توں بیوقوف ہے۔“

شیخ چلی لگو کہن ”ہوں نہیں منتو۔ توں مناں دس ہوں کد مروں گو، وہ لگو کہن ”مناں  
کے پتو ہے، وروہ منے ہی نہیں تھو۔

آخر اس نے اُس گی بھاں ما اک دھاگو بدھ چھوڑ یوتے کہ یو جد یوہ دھاگو ٹھٹے گو  
توں مر جے گو۔

شیخ چلی چلے گیو۔ اک جگہ راہ ما گجھ گیدرا کھیڈ یں تھا۔ ویہ اس نالگا کہن ”آ توں بھی مھارے  
سنگ کھیڈ، وہ لگو کہن ”میری بھاں ماں یوہ دھاگو جھڑ و بدھیو وہے یوہ ٹھٹ جے گوتے ہوں  
مر جاؤں گو۔ اس گلوں نہیں کھیڈ تو“، ویہ لگا کہن ”ہم نہیں توڑتا تیر و دھاگو۔ توں مھارے  
نال کھیڈ، بس وہ کھیڈ نالگ پیو۔ کھیڈ تاں کھیڈ تاں شیخ چلی کی بھاں کو دھاگو ٹھٹ گیوتے  
وہ لگورون تے کر لان۔

وہ ایک پرانی قبر مالمو پے گیو۔ اس رستے کوئی سوداگر لئنگھے کرے تھو۔ وہ اس نالگو  
پچھن ”توں اس قبر ما کیوں بڑھیو وہے؟“، شیخ چلی بولیو ”میر و دھاگو ٹھٹ گیو ہے تے ہوں  
مر گیوہاں“

سوداگر نے اُس نا سمجھایو تے کہ یو ”توں نہیں مر یو، مر دووی کدے بولے؟ چل مھارا سنگ  
گھی کا گھڑا چک ہوں تناں پیساد یوں گو، بس وہ اٹھ گیو اس سنگ ٹر پیو۔



گھڑو چک گے شیخ چلی پیوسو پے تھو بے  
انہاں پیساں نال اک گلڑی لیوں گو۔ گلڑی بچے تارے  
گی۔ انہاں ناپالوں گوتے فرچ گلڑی ہو جیں گی۔ پھر  
گلڑیں نیچ گے ہوں بھیڈ لیوں گو۔ جس ویلے بھیڈ کافی  
ہو جیں گی۔ ہوں انہاں نا نیچ کے ڈنگر لیوں گو پھر ڈنگر نیچ  
کے مھیں لیوں گو۔ مھیں نیچ کے زمی لیوں گو۔ پھر ہوں  
بیاہ کروں گو۔ بیاہ کر کے میرا زِکا زِکا جاتک ہو جیں گا تے یہ کہیں گا ”بھاپا! بھاپا روٹی کھایو،  
ہوں کہوں گو” ہوں نہیں کھاتو، نہ کہتاں اُس نے سرنا زور سنگ چھنڈ یو تے گھڑو  
ڈھے گیو۔

سودا گرلگو کہن ”تین میر و گھڑ و بھن چھوڑ یو،“  
وہ لگو کہن تیر و گھڑ و بھج گیو تے کے بڑی گل ہوئی۔ میر و بنیو بنایو گھر ہی اُجڑ گیو۔ تے  
توں گھڑا واسطے روئے، تے شیخ چلی اتے میں گے زور زور سنگ رون لگ پیو تے سودا گراپنا  
راہ لگ گیو۔

## سوالاں گا جواب دیو:

- ۱۔ شیخ چلی قبر ما کیو سو گئے؟
- ۲۔ لوک کہانی شیخ چلی ماں کتنا کردار ہیں؟
- ۳۔ شیخ چلی نے پھرور کے چاؤ تھو؟
- ۴۔ شیخ چلی کیوں رون لگ پیو؟

# اُستاد

تم اُستاد کی عزت جانو  
جهڑو رہ گیو علموں کانو  
در در منگ کے اُس نے کھانو  
یاہ گل اپنا دل ماں آنو

سکھ اُستاد کی سارا منو  
بُت نفرت کا سارا بھہنو  
خود نا پرکھو خوب پچھانو  
یاہ گل اپنا دل ماں آنو  
  
اکھاں کے بچ اکھ بساوے  
ننھی اکھیں سُرمو لاوے  
تم اُستاد نا اُچو جانو  
یاہ گل سوچ کے گٹھے آنو





جھڑو دین تے دنیا دسے  
اُس کی عزت کھڑو کھسے  
تم نا دسوں پیٹو تانو  
یاہ گل اپنا دل ماں آنو

رو تو رہ گوکنی کنی  
نہیں اُستاد کی جس نے منی  
اُس نے گوہ کلھ نہیں بانو  
یاہ گل اپنا دل ماں آنو

مندی عادت چھٹے چھانے  
نھیرا بچوں لو ما آنے  
ہے اس دور کو رہبر رانو  
یاہ گل اپنا دل ماں آنو

جھڑو راہ توں کنی نھو  
نظر اس بچوں پورو ڈھٹھو  
کتوں اُس نے رج کے کھانو  
یاہ گل اپنا دل ماں آنو

## پڑھو تے سمجھو:

سِکھ : نصیحت

گوجو : جیب، چنزو

رہبر : رہنماء، راہ دسن آلو

## خالی جگہاں نا بھرو:

جس نے ..... کی کجھ نہ منی

اُس نے ..... لکھنہیں بانو

جہڑا دین تے ..... دے

اُس کی ..... کھڑو کھسے

تم نادسون پیٹو .....

مندی ..... چھٹے چھانے

ہے اس دور کو ..... رانو

جہڑا راہ توں ..... نھٹو

نظر اں ..... پورا دھڑھو



# کچھ چنام گوجری

## اکھان

انسان ہی انسان ناراہ پر لیا وے تے انسان ہی انسان ناگمراہ کرے

بندوبندہ کو رحمان، بندوبندہ کو شیطان

عقلمند آدمی گھٹ بولے، جس کوں کچھ ہوئے وہ تاولوباندے نہیں آ تو

بھریو بھانڈ و کدھلکے

حیله بہانانال کم نہیں بتو

بال لا ہیں مردو ہونو نہیں ہوتو

جان بُجھ کے بے خبری ظاہر کرنو

باہر آلا اندر آلاتیں پُچھیں

پیلو ہی پیلو نظر آنو۔ جیران ہولو

اکھاں اگے سریاں پُھلنی

آپنا گناہ کو پورو ہونو، مطلب کو یار

اپنی باری گھوم گھولا دوسرا کی باری ٹالمٹولا

آپنے گھر سارا ہی شیر ہوئیں

اپنے گھر سارا ہی طاقت آلوں میں

اکھیں دیکھ کے زہ نہیں کھان ہو تو

جانتیں بھتیں، کوئے نقصان نہیں چاہتو

ادھ پا آٹو چبارے رسولی

دیغیریب جیہڑا باہر دولت مندر ہونو ظاہر کریں

اج مھاری باری کل تھاری

اج مھاری باری آئی ہے تے کل تھاری بھی آئی ہے، موت ساراں کو مقدر ہے

ادھ پا کی گوگڑی میں نمانی جو گڑی

جیہڑی یوہ ظاہر کرے کہ سارو کجھ تے گھر کا دُوجا واسطے ہے

لکھ کی بھی چوری تے لکھ کی بھی چوری

زندگی ہوئے تے کدے نہ کدے میں ہو ہی جائے  
کوہ نا کوہ نہیں ملتوبندہ نابندو ملے

ہو چھا آدمی تے سلی بخش کم ہون کی تو قع نہیں ہوتی  
کھار کی چھاہ نہیں لمائی کو گھر نہیں

کسے نامنہ رکھ کے گل دوجاسا سمجھانی  
کہوں ڈھی ناسناوں بہونا

ہتھوں چیز کھڑا کے ارمان کے کرنو  
گنگے گئیں وی ہڈیں کدھ مرڈیں

مقابلو برابر کالوکاں کو ہوئے  
گھوڑا کا دلتا گھوڑا ہی سہیں

# ایمبولینس گڈی کی کہانی



تم تے ایمبولینس دیکھی وھے گی۔ ایمبولینس اُس گڈی ناکہیں جیہڑی مچ بیماریضان یا زخمیاں ناولیہ و رصحت کی امداد پوہچان گا کم آؤے۔ اس گڈی ماں دور گا سارا لوڑتا طبی سامان موجود ہیں۔ تاں جے اسپتال پوچن ٹوں پہلاں مریض نافوری طبی امداد لبھ سکے۔ اک زمانو تھو جد ایمبولینس تے اس قسم کی طبی امداد نہیں وھے تھی۔ اُس زمانہ ما بہت سارا لوک بجنا علاج کے مر جیں تھا۔

اس گڈی گا اگلا شیشاں اپر پڑھاں حرفائ ما انگریزی زبان ما ”ایمبولینس“، لکھیو وھے، یوہ اس واسطے کیو جے تاں کہ اگے جان آلی گڈی کوڈ رائیور اپنا سچے پاسے لگا واشیشہ ماں کو چھا ملود یکھ کے آرام نال پڑھ سکے کے پچھلی گڈی ایمبولینس ہے تے اُس نارستو دے چھوڑے۔

ایمبولینس گی شروعات کد تے کن حالات ما ہوئی؟ اس گے پچھے اک لمبی کہانی ہے۔ پرانا زمانہ ماجنگ کے دوران زخمیاں ناجنگ کا میدان بچوں باہر کڑھ کے لے جان کو کوئی انتظام نہ تھو۔ زخمی سپاہی لہو پھر جان کی وجہ سنگ ترڑف ترڑف گے مر جیں تھا یا فرجتن آلا شکر کا فوجی اُس ناوی مارچھوڑیں تھا۔ جنگ کا میدان ما زخمیاں کو مر جانو ہی اُن گی قسمت وھے تھی۔



زخمی سپاہیاں ناجنگ کامیدان بچوں باہر کلڈھ کے علاج واسطے لے جان واسطے سب گلوں پہلاں ایمبولینس کوبرتیو فرانس ما 1972ء مکیو گیو۔ یاہ ایمبولینس اک ٹانگہ گڈی گی شکل ماتھی۔

ما 1857ء امریکہ کا جھ ڈاکٹراں نے واشنگٹن ما اک کافرنس کر کے ایمبولینس گڈی گی تجویز پیش کی۔ اس مادقتسم کی ایمبولینس گڈی بنان ورزور دیتو گیو اک چار پہیاں آلی تے دو جی دو پہیاں آلی۔

ما 1864ء امریکہ مایوہ حکم جاری کیو گیو جے فوج ما ایمبولینس گڈی رکھنے ضروری ہے۔ اس کے نال ہی ڈاکٹراں ناوی اس کم ورلا یو گیو جے ویہ جنگ کا دوران زخمیاں نا اسپتال پوہچانویں۔

ما 1864ء ما ہی جنیوا ما اک کافرنس ہوئی جس ماجنگ کا قاعدہ قانون بنایا گیا تے اس مایوہ فیصلو ہو یو کہ ایمبولینس گڈی ورکوئے کسے قسم کو حملونہیں کرسیں تے اس ناہر صورت ماجنگ کامیدان بچوں دو جی جگہاں و رفاقت نال جان دی تو جے کو۔

موڑکار کی ایجاد توں بعد ایمبولینس نے بہت ترقی کی۔ ما 1900ء ما پہلی واری امریکہ ما موڑکارنا ایمبولینس کی شکل ما استعمال کیو گیو۔ اس وقت ساری دنیا ما ایمبولینس گڈی موجود ہیں۔ جن ما ہر طرحیا کی سہولت موجود ہیں جیہڑی مریضاں تے زخمیاں نابچان واسطے کم آنویں۔

## پڑھو تے سمجھو:

طہی	:	صحت کو، صحت سنگ جڑیو
لشکر	:	فوج
واشنگٹن	:	امریکہ کو اک شہر جیہڑا اس کی راجدھانی ہے
جنیوا	:	سوئز لینڈ کو اک شہر جیہڑا اس کی راجدھانی وی ہے
قادرہ	:	طریقہ، اصول

## ہُن تم انہاں سوالاں گا جواب دیو:

- ۱۔ ایمبو لینس کس نا کہیں؟
- ۲۔ ایمبو لینس کو استعمال پہلی وارکس ملک ما ہو یو؟
- ۳۔ واشنگٹن گی کانفرنس ما کے فیصلو ہو وو؟
- ۴۔ جنیوا ما ایمبو لینس کا باراما کس گل کو اعلان کیو گیو؟
- ۵۔ ایمبو لینس ما کے کے سامان ہو وے؟

## خالی جگہاں نابنکتا لفظاں سنگ بھرو:

- ۱۔ ایمبولینس اس گڈی نا کہیں جیہڑی مجھ بیمار..... یا زخمیاں ناویلے سر صحت کی امداد پوچان گا کم آوے۔  
(مریضان، بنداں، افساراں)
- ۲۔ اس گڈی گا اگلا شیشاں اپر اپٹھاں حرفاں ما انگریزی زبان ما..... لکھیو جے  
(ایمبولینس، اسپتال، ڈاکٹر)
- ۳۔ جنگ کا میدان ما زخمیاں گو مر جانو ہی اُن کو ..... وھے تھو۔  
(صبر، طریقو، مقدر)
- ۴۔ ۱864ء ما امریکہ ما یوہ حکم جاری کیو گیو جے فوج ما..... رکھنے ضروری ہے  
(ایمبولینس گڈی، دوائی، بس گڈی)
- ۵۔ موڑکارگی ایجاد توں بعد ایمبولینس نے بہت ..... کی  
(چھاں، ترقی، ہمت)

## لفظاں ناجملاء ما استعمال کرو:





## (گوجری لوک کہانی) کپڑاں کی دعوت

اک عقل مند جنو تھو۔ وہ خاصو ہی غریب تھو۔ قسمت کو مار یو وہ مندے حال جنوں قسمت ازمان  
واسطے اپنوا شہر چھوڑ کے کسی دوجا شہر ما چلے گیو۔ جد اس نواں شہر کا لوکاں نا اسکو حال احوال پتو گوتے اُنہاں نے  
اُس نا کہیو:

”اے محارادوستا! توں اک کم کر۔ اس شہر ما اک بڑو مال تے دولت آلو بندو ہے۔ وہ بڑو نیک تے  
خدا ترس ہے۔ پورا شہر ما اُس کی سخاوت کو مجھ چرچو ہے۔ ایسو سخنی کہ حاتم طائی وی اُس ور فخر کرے۔ توں بلا  
جھجک تے بے خوف اُس کے کول چلو جا۔ تیری تنگ دستی اُس کی دریادی نال دُور ہو جے گی،“  
اُس غریب جنانے جد اُس امیر کی اتنی تعریف سُنی تے وہ بڑی امید تے آس لے کے اُس کے کول  
چلیو گیو۔ پر اُت جا کے کے دیکھے کہ وہ دولت مند بندو تے بڑو ٹھاٹھ بائٹھ دسن ۹ لوتے مغرور جیو بندو ہے۔ اس

بے نصیب غریب کو اس نے ذرا وی خیال نہیں کیو۔ تے نہ کائے گل بات ہی پچھی۔ وہ غریب بچارو بہت ہی لاجم تے مجبور ہو گیو۔ پر تھوڑہ وی ارادہ گو بڑو پکو۔ اُس نے اک دھیاڑے یوہ کیو کے خاصی قیمتی تے رنگدار پوشاک کدے داروں کرایہ ورآن کے لائی تے اُس مغرورتے ظاہر پرست امیر کے کول جا چھیو تے بڑی ہی تمیز تے عزت کے سنگ اُس کے کول جا بیٹھو۔

وہ امیر بندو اس نا بڑی عزت تے مان سنگ پیش آیو۔ اس گی خوب خاطرداری کی۔ بڑو ہی مٹھو تے مہنگو کھانو اُس واسطے دستر خوان ور سجا یو۔ بچارا غریب آدمی نے اُس خوشبودار تے مٹھا کھانا کھان کے بجائے اک بڑی ہی عجیب حرکت کی۔ اُس نے کھانا گا گراہ منہ ما گھلن کے بجائے گڑتی گا گھماں ما گھانا شروع کر دتا۔ یاہ دیکھ کے اُس امیر جنا بڑی حیرت ہوئی تے اُس گی یاہ حرکت دیکھ کے اُس نا بڑو رو چڑھیو تے وہ کہن لگو:

”اوہ بندیا! توں بڑو بد تمیز ہے۔ اپنی پوشاک گوستیا ناس کر چھوڑ یو تیں۔ یوہ کھانو کھان واسطے ہے، کپڑا خراب کرن واسطے نہیں۔“

امیر گی یاہ گل سُن کے اُس غریب نے جواب دی تو:

”اے امیر تے بد تمیز شخص! میری گل کن دھر کے سُن تے سمجھ! اُس روز ہوں تیرے کوں بُرا حال تے پھٹا پلا لاء کے آیو تھو تے تیں میرا دار ذرا وی توجہ نہیں کی۔ اج یوہ محتاج پاک صاف کپڑا لاء کے تیرا کوں بیٹھو تے تیں اس قدر نخرا تے ناز سنگ میر و استقبال کیو جس نا بیان کر نو مشکل ہے۔ اصل گل یاہ ہے جے یوہ کھانو میر الائق نہیں تھو۔ جس واسطے یوہ کھانو ہے ہوں اُسے ناکھوالوں لگوو۔“

یاہ گل سُن کے وہ نادان امیر بہت لاجم تے شرمسار ہو گیو۔

سچھن گی گل یاہ ہے جے کسے آدمی کی پوشاک تے لباس دیکھ کے اُس سنگ ورتا نہیں کر نو چاہیے۔ تے اپنی مال دولت ور گھمنڈوی نہیں رکھنو چاہیے۔

## پڑھو تے سمجھو:

تباه حال	:	جس کو حال خراب و ھے
سخاوت	:	سخنی ہونو، کھلا دل آلو
پوشاک	:	کپڑا۔ پلا
ظاہری حال ناں	تکن آلو	ظاہری حال ناں تکن آلو
خاطرداری	:	عزت کرنی

## ہن تم انہاں سوالاں گا جواب دیو:

- ۱۔ غریب جنوں غربت کو لوں تنگ آ کے کس جگہ گیو؟
- ۲۔ دو جا شہر ماں لوکاں نے اُس ناکہہ کہیو؟
- ۳۔ مالدار بندہ نے پہلی وارا غریب جنا سنگ کے سلوک کیو؟
- ۴۔ نویں پوشاک اُس جنا نے کتوں آئی؟
- ۵۔ دُوجی وارا میری بندہ نے اُس کاناں کے کیو؟
- ۶۔ آخر ماں کے ہو یو؟

## دینہ نہ پھیر

دینہ نہ پھیر جس نا سورج مکھی وی کہیو جے یاہ تیل پیدا کرن آلی اک پود ہے۔ زراعت مادینہ نہ پھیر نے بڑو مرتبہ حاصل کر لیو ہے۔ دینہ نہ پھیر جنوبی امریکہ تے میکسیکو کو پودو ہے۔ سولہویں صدی ما اسپین کا بسین کاں نے پہلی وار دینہ نہ پھیر کی کاشت کی۔ فربیس بلیں دو جامکاں ما وی اس نا اپنا یو جان لگو۔ بیویں صدی ما روس ما اس پودا نا تیل پیدا کرن آلی فصل کا طور و راستعمال کیو جان لگو۔ تے اج ساری دنیا ما دینہ نہ پھیر کی کاشت ہو رہی ہے تے اسکا تیل کو بکھ بکھ طریقائ سنگ استعمال وی کیو جارہیو ہے۔ اج اسکو تیل بزار ماعام لجھے۔



مหารا ملک ہندوستان میں پہلی واردینہہ پھیر کی کاشت 1919ء میں ہوئی۔ پراس کی تیل پیدا کرنی کی خوبی کو انداز 1969ء میں ہو یو۔ تد تیس اس کی فصل بارے کامیاب تجربہ کیا جا رہا ہے۔ جن صوبائیں مادینہہ پھیرگی کا شت زیادہ و ہے اُن میں آندھرا پردیش، اُتر پردیش، بنگال، پنجاب، اُڑیسہ تے تامل ناڈو شامل ہیں۔

اس کی کاشت دواں موسم میں کی جاسکے۔ کیوں جے اس ناں زیادہ پانی کی لورٹ نیں ہوتی۔ ہور یوہ مجھ گھٹ مدت ماتیار ہون آلی فصل ہے۔ یاہ فصل ریتلی تے کالی دواں طراں کی مٹی میں پیدا ہوئے۔ پچھلا گھاں سالاں تھیں دینہہ پھیرنا تیل پیدا کرنا آلا پودا کی حیثیت نال بڑو مقام حاصل ہو یو ہے۔ سائنسی اعتبار سنگ وی اس کا تیل کا کئی فائیدہ ثابت ہو یا ہے۔ دُنیا میں جو جنگروں سب تیں زیادہ تر کا آلو تیل دینہہ پھیر کو استعمال ہے۔ روس، بلغاریہ، رومانیہ، ہنگری، تے یوروپ کا دُو جا ملکاں مادینہہ پھیر کو تیل زیادہ استعمال ہے۔ اس تیل مایاہ خوبی ہے جے یوہ تیل انسانی جسم ماجربی نہیں پیدا ہون دیتے۔ کیوں جے چربی سنگ دل کی بیماری کو ڈر ہے۔ یوہ تیل موگنگ پھلی کا تیل کا مقابلہ مازیادہ طاقت بخش تے صحت افزائے ہے۔

دینہہ پھیر کو تیل بنا سپتی گھی ماوی استعمال کیو جے۔ مهارا ملک تیل کروڑاں روپیاں کو دینہہ پھیر تیل باہر کا ملکاں ماجے۔ یوہ رنگ بنان تے ہور کئی ملکاں ماوی استعمال ہے۔ دینہہ پھیر کا تیل کی کھل ما قریباً 40 فیصدی پروٹین ہے۔ یاہ کھل کھڑاں کی خوراک گا طور استعمال ہے تے اس کا تیل نا بیکری کی چیز جسراہ کہ بسکٹ وغیرہ ماوی بر تیو جے۔


## پڑھو تے سمجھو:



زراعت	:	زمی داری
طااقت بخش	:	طاقت دین آلو
صحت افزایش	:	صحت واسطہ فائیدہ مند
پروٹین	:	محارا جسم واسطے ضروری شے جیہڑی کھان آلی چیز اس مادے

## ہن تم انہاں سوالاں گا جواب دیو:

- ۱۔ دینہ سپھیرا صل ما کیہڑا کیہڑا املاک کی پود ہے؟
- ۲۔ محارا ملک ہندوستان ما دینہ سپھیر کی کاشت کد شروع ہوئی؟
- ۳۔ محارا ملک ما دینہ سپھیر زیادہ کن کن صوبہ مادے؟
- ۴۔ دینہ سپھیر کوتیل کس کم ما آوے؟
- ۵۔ دینہ سپھیر ما کے کے خوبی ہیں؟



## پنڈت جواہر لعل نہرو کی چھٹھی ہندوستانی بچاں کے ناں!

ہوں بچاں سنگ رہنو، اُن سنگ گل بات تے اُن کے سنگ کھیڈن نادلوں پسند کروں۔ کدے کدے بھل جاؤں کہ ہوں بڑھو ہو گیو ہاں ہو رو ھے دن پچھاں رہ گیا ہیں جد ہوں وی اک بچو تھو۔ وراج ہوں تم نا اپنا کلوں دُور سہی لگوں تے بزرگ لوکاں کی عادت جواناں ناصیحت تے چنگی رائے دین کی وھے۔

مِنایاد ہے کہ کافی عرصو پہلاں جد ہوں بچو تھو، مِنایا یہ چیز نہیں پسند تھیں۔ اس واسطے ہوں سمجھوں کہ تم وی ان نا نہیں پسند کرتا ویں گا۔ بڑا لوکاں کی عادت اپنا آپ نا عقل مند ظاہر کرن کی وی وھے۔ جد کہ انہاں بچوں گھٹ عقل مندوں ہیں۔ ہوں اجاں تک فیصلو نہیں کر سکیو کہ ہوں عقل مند ہاں یا نہیں۔ کدے کدے دُو جاں کی گل سُن کے لگے جے ہوں عقل مند، تیز تے بڑو آدمی ہاں۔ اے پر جدا اپنا آپ نا نکوں تے مِناں شک وھے۔ ایسا لوک جیہڑا عقل مند دیں کسے وی موقعہ و راپنی عقل مندی کو ڈھنڈو رونہیں پڑتا۔


فر ہوں کے لکھوں؟ اگر تم میرا نال ہوتا تے مِنا تھارا سنگ اس سوئی دُنیا کا بارا مگل کر نو چکنگو لگتو۔ پھلاں کے بارا ما، بُٹاں کا بارا ما، چند پرندے تے جانواراں، تاراں تے پھاڑاں، برف کی مانیاں تے ہو رو جو جی ساری سوئی چیزاں کا بارا ما جیہڑی مھارے چار چو فیری موجود ہیں۔ تمام حُسن مھارا چارے پاسے موجود ہے تے اس کے باوجود ہم جیہڑا کہ بڑھا ہو گیا ہاں، کئی باراں نا بھل جا تے اپنا آپ نا بجھت یا جھگڑا ماں پھسا چھوڑاں۔ ہم اپنا فتر ما بیٹھاں تے یوہ سمجھا کہ ہم بڑو کم کر رہیا ہاں۔

مِنَا امید ہے جے تم زیادہ ہوش مندویں گا ہور تھاری اکھتے کن دُنیا کا اس حسن نادیکھتے سُن رہیا ویں گا، جیہڑو تھارے چار چھیری موجود ہے۔

تم پُھلاں نا انہاں کا نال نال تے چڑیاں ناؤں کی بولن کی اواز سنگ پچھان سکیں؟ انہاں نادوست بناو کتنو سہل ہے۔ اگر تم ان سنگ محبت تے دوستی نال پیش آؤیں گا تے ویہ جلدی ہی تھارا دوست ہو جیں گا۔ تم نے پرانا زمانا کا خاصا سارا خیالی قصاتے ضرور سُنیا وہیں گا؟ اے پریاہ دُنیا آپے بہت بڑی خیالی تے مزے دار کہانی ہے جیہڑی اج توڑی لکھی گئی ہے۔ مھاری اکھ دُنیا کا حسن نادیکھن واسطے، کن اس کی چاپ ناسُن واسطے تے دماغ زندگی ناجھن تے پرکھن واسطے ہونا چاہیے۔

بڑا لوک اپنا آپ نا عجیب طریقان سنگ الگ الگ خاناں ماقسم کر لیں۔ ویہ اپنا واسطے مذہب، ذات، رنگ، پارٹی، قوم، ریاست، زبان، ریت تے رسم ہور امیری تے غربی کی کندھ کھلی کر چھوڑیں۔ اس طراں ویہ آپ اپنی بنائی وی دُنیا ما قید ہو جیں۔ خوش قسمتی نال بچا ان سب چیزاں کا بارا مازیادہ نہیں جانتا جیہڑی اک دو جاؤ دو ری کی وجہ بینیں۔ ویہ اک دو جا کے نال کھیڈیں ہو کم کریں تے بڑا ہو کے اپنا بزرگاں کلوں ان چیزاں کے بارا ماقچھوڑنے کو شروع کریں۔ مِنَان خوشی ہے جے تم ہالیں اس کلوں دوراڑے ہیں۔

کچھ مہیناں پہلاں جاپان کا بچاں نے مِنَان چٹھی لکھ کے اک ہاتھی واسطے کہیو تھو۔ میں ہندوستانی بچاں کی طرفون انہاں ناک سو ہنو ہاتھی ٹوریو ہے۔ یوہ شاندار جانور ان کے واسطے ہندوستان کی نشانی تے ان کا تے ہندوستانی بچاں کے بشکار رابطہ کو ذریعو بن گیو۔ ہوں بہت خوش ہو وو کہ یوہ تھفو جاپان کا بچاں ناچ پسند آیو ہور انہاں ناچ خوشی حاصل ہوئی تے انہاں نے ہندوستان کا بارا ماقچنو شروع کر لیو۔ یاد رکھو کہ کسے وی جگہ جت تھاری طراں بچاہیں، وھ سکول جیں تے سنگ کم کریں، سنگ کھیڈیں تے کدے کدے گھول تے جھگڑوی کریں لیکن وے فرد دوست بن جیں۔ تم اپنی کتاب مانہاں ملکاں کا بارا ماقڑھ سکیں ہو جدم بڑا ہو جیں گا تے تم ماکئی ایسا وہیں گا جیہڑا ان ملکاں ماجیں گا، دوستاں کی طراں اُت جا کے دیکھیں گا کہ وے کسراں تھارواستقبال دوستاں کی طراں کریں۔



تم جانیں جے مھارا بشکاراک عظیم جو تھو، مہاتما گاندھی! ہم پیار سنگ انہاں نا ”بپو جی“ کہاں تھا، وے عقل مند بند اتحااے پر کدے وی اُن نے اپنی عقل مندی کو دکھاو نہیں کیو۔ وہ ایک سادہ انسان تے بکھ بکھ وجہاں سنگ بچاں جیسا تھا تے انہاں نا بچاں سنگ مج پیار تھو۔ انہاں نے ہم نا ہستاں کھیڈتاں دُنیا نال مقابلو کرن کی اٹھکل دسی۔

مھارا ملک اک بہت بڑا ملک ہے ہور ہم سب درج مُکح کرن کی ذمہ داری ہے۔ اگر مھارا بچوں ہراک تھوڑا و بہت اپنو فرض نبھاوے گوتے یوہ ملک ترقی تے خوشحالی گی راہ ٹرے گو۔

میں تھارا سنگ اس چٹھی کے ذریعہ گل کرن کی کوشش کی ہے، جسراں کہ تم میرا سامنے بیٹھاویں۔ ہوں جتنو چاہوں تھواں کولوں زیادہ لکھ چکیو ہاں!

## جو اہر لعل نہرو

## خالی جگہاں نامناسب لفظاں سنگ بھرو:

ہوں بچاں کے سنگ رہنو، ان کے سنگ ..... بات تے ان کا سنگ کھیڈن ناج پسند کروں۔ (رات، گل، گیت)

مِنایاد ہے کہ کافی عرصو پہلاں جد ہوں بکو تھو، مِنایا یہ چیز ..... تھیں۔ اس واسطے ہوں سمجھوں کہ تم وی ان ناپسند کرتاویں گا۔  
(ناپسند، پسند، چنگی)

ایسا لوک جیہڑا عقل مندویں کے وی موقعہ و راپنی ..... مندی کو ڈھنڈو رونہیں کرتا۔  
(عقل، بے عقل، سادو)

پُھلاں کا باراما، بُٹاں کا باراما، چرند پرندتے جانواراں، تاراں تے .....، برف گی مانیاں تے ہور دو جی ساری سوتی  
چیزاں کا باراما جیہڑی مھارے چارچو فیری موجود ہیں۔  
(پہاڑ، ماہل، زمین)

ہم اپنا ..... مابیٹھاں تے یوہ سمجھاں کہ ہم بڑو کم کر رہیا ہاں۔  
(دفتر، گھر، گراں)

تم ..... نا انہاں کا نا نال تے چڑیاں نا ان کی بولن کی او از سنگ پچھان سکیں؟  
(پھلاں، لوگاں، شہراں)

بڑا لوک اپنا آپ نا عجیب ..... سنگ بکھ بکھ خاناں مانڈیں۔  
(رستا، طریقائ، وجہاں)

و یہ اپنا واسطے مذہب، ذات، رنگ، پارٹی، قوم، ریاست، زبان، ریت تے ..... ہور امیری تے غربی کی کندھ کھلی  
کر چھوڑیں مِنایا خوشی ہے جے تم ہا لیں اس کو لوں دراڑے ہیں۔  
(رسم، کھیڈ، بردری)



# بابا صاحب امبیڈکر

ڈاکٹر جاوید راءی

ڈاکٹر بھیم راؤ امبیڈکر ناہم ”بابا صاحب امبیڈکر“ کا نام سنگ وی یاد کراں۔ انہاں نے قومی بھیتی، بھائی چارتے میل ملاپ ناباہد دین واسطے اپنی پوری زندگی وقف کر دی۔ رنگ نسل تے ذات پات توں بھن سماج واسطے وے پوری حیاتی جدو جہد کرتا رہیا۔ ان کی پیدائش 14 اپریل 1891ء ناصلع اندو رکا ”مہو“ گراں ماہوئی۔

ڈاکٹر امبیڈکر کا دادا والوجی مہو گراں کا فوجی سکول کا صوبے دار تھا۔ ان کو خاندانی نام سنکپاں تھوڑا ان کا والد رام جی نے اپنا آپ نام چھپاں واسطے گراں کو نام نا استعمال کیو۔ یوہ عام رواج تھوکہ جت کدے نام گا آخرور ”کر“ آؤتے تھوتے وہ اس جگہ نا ظاہر کرے تھوچت کو بندو رہن آلو وھے۔ ان کا گراں کو نام امباوا دھو۔ اس وجہ نال اُن کو نام امباوا دکر ہونو چاہیے تھو۔ ”امبیڈکر“ نام کو اک برہمن اُن کو استاد تھو جس نے چھوٹا ہوتا ہی اُن کو نام امبیڈکر کھچھوڑ یو۔

ہندوستان کا ہندوؤں اک ملک لوک مندھری ذات کا نیا جیس تھا۔ سماج مانہ کوئے ان کی فکر کرے تھوتے نہ ہی کوئے ان سنگ پیار کرے تھو۔ اچھی ذات کا لوک ان کے سنگ نفرت کریں تھا۔ تے انہاں سنگ میل ملاپ کرن ما اپنی بے عزتی سمجھیں تھا۔ اسے طراں کا اک اچھوت کنبہ ما ڈاکٹر امبیڈکر کو جنم ہو۔ بھیم راؤ امبیڈکر نے بعد ما وھے کارنامہ انجام دیتا کہ انہاں نام ہندوستان کو سب توں بڑوا عزاز ”بھارت رتن“ دیتو گیو۔

ڈاکٹر امبیڈکر نے اپنی پہلی تعلیم اپنا گراں ماہی حاصل کی تے بعد میں ہندوستان توں باہر چلا گیا تے اُتوں اعلیٰ تعلیم حاصل کر کے وھے واپس ہندوستان آیا۔



ڈاکٹر امیڈ کرنے ہمیشہ نا انصافی، ظلم تے زور زبردستی کے خلاف جنگ لڑی۔ وھے ہر مسئلہ کو حل قانون کی روشنی مالوڑیں تھا۔ ان کو کہنو تھوکہ اگر مسئلہ کو حل قانون کی روشنی مانہ ہو یوتے پورا ملک ماں افراتفری پھیل جے گی۔

ہندوستان کو قانون تیار کرن آئی کمیٹی کا ویہ چیئرمین تھا تے انہاں کی سربراہی ماں ہندوستان کو آئین تیار ہو یو۔ امیڈ کر کی زندگی و رہا تمبا بده، کبیر داس، تے ہور دو جابر الوكاں کا خیالات کو بڑواثر تھو۔ ویہ ایسو ماج بنا نو چا ہو یں تھا۔

جس ماسب برابر وھیں، سمجھاں نا آزادی حاصل وھے تے ملک کا غریب تے پچھڑیا واطبقاں نا انصاف لبھے۔

ڈاکٹر امیڈ کرنے ہندوستان کا کروڑاں انساناں نا وہ سب کجھ دی تو جیہڑا ج اکیویں صدی ماڈنیا نا حاصل ہو یو۔

ڈاکٹر امیڈ کرنے آزادی تے آپس مامیل ملا پ ورچھ زور رکھیو۔ انہاں نے پسمندہ ذاتاں، قوماں تے قبیلاں واسطے ان تھک محنت کی۔

ڈاکٹر امیڈ کر کا ذہن ما انسانیت تے انساناں نال محبت تے دوستی کی جیہڑی لو بلے تھی جس کا نال انہاں نے پوری زندگی ہر موقع و رکار میابی حاصل کی۔

5 دسمبر 1956ء ماناں بابا صاحب امیڈ کر اس دنیا توں چل گیا۔

موجودہ دور کا حالات مایا ہ گل ضروری ہے جے ہم سب ڈاکٹر امیڈ کر کا دسیا وار ستاو رچلاں تے ملک نا خوشحال، متحد تے طاقت ور بنان ما کائے کسر نہ چھوڑاں۔

## پڑھو تے سمجھو:

قومی تجہیت	:	آپسی بھائی چارو
اعلیٰ	:	اُپھی، بڑی
پسمندہ	:	پچھے رہن آلا، غریب طبقہ
متحد	:	اکٹھو، جس ماتھادو ہے
اعزاز	:	انعام، تمغو

## ہُن تم انہاں سوالاں گا جواب دیو:



- ۱۔ ڈاکٹر امبیڈ کر کو جنم کرت ہو یو؟
- ۲۔ ڈاکٹر امبیڈ کر کا دادا کو کے نام تھو؟
- ۳۔ ”امبیڈ کر“ کو نام کس نے رکھیو تھو؟
- ۴۔ ڈاکٹر امبیڈ کر کی وفات کدر ہوئی؟
- ۵۔ ڈاکٹر امبیڈ کرنا کہڑ واعزاز دی تو گیو؟

## خالی جگہاں نامناسب لفظاں سنگ بھرو:

ڈاکٹر بھیم راؤ امبیڈکر جہاں ناہم ”بابا صاحب امبیڈکر“ کاناں سنگ وی یاد کراں قومی پیچھتی، بھائی چارا تے میل ملا پ نابڑھا و دین واسطے اپنی پوری زندگی ..... کی۔  
(خرج، وقف، گزار)

ڈاکٹر امبیڈکر کا دادا مالو جی مہوگراں کا فوجی سکول کا ..... تھا۔  
(گورنر، ہیڈ ماسٹر، صوبے دار)

ہندوستان کا ہندوؤں اس ماجھ لوک ..... ذات کا منیا جیس تھا۔ سماج مانہ کوئے ان کی فکر کرے تھوتے نہ ہی کوئے  
انہاں سنگ پیار کرے۔  
(مندھری، چنگی، اپچی)

بعد میں اعلیٰ تعلیم حاصل کرن واسطے ..... توں باہر چلا گیا تے اُتوں اعلیٰ تعلیم حاصل کر کے واپس ہندوستان آگیا۔  
(ہندوستان، گراں، شہر)

ڈاکٹر امبیڈکر کا ذہن مانسانیت تے انسانان نال محبت تے دوستی کی جیہڑی ..... بلے تھی جس کے سنگ انہاں  
نے پوری زندگی ہر موقعہ و رکا میابی حاصل کی۔  
(لو، خوشبو، سوچ)

## جملاء ماستعمال کرو:





## شیطان کی نصیحت

ایک دفعہ کوڈ کر ہے کہ ایک گراں ماچھی ہی نیک تے بڑونمازی ایک بزرگ رہ تھو۔ ایک دفعہ وہ سوچن لگو سب تے بُرُوكم کے ہو سکے اس کی سمجھ ماجھ بھی نہ آیو تے اس نے سوچیو کہ کیوں نہ ہوں کسے دور بستی ماں جت ایک ہور پیر صاحب رہ تھو اس کوں جاؤں تے اس ناچھوں کہ ”سب تے بُرُو کے اعمال ہوئے“،

وہ جد گھرتے نکل کے تھوڑ و دُور پچھو ٹے اس ناگا تے ایک بزرگ شخص ملیو۔ بڑو ہی سوہنوتے شکل آلو مگر تھو شیطان جس نے بزرگ کی شکل بنائی وی تھی، پچھن لگو ”صاحب تمِ کت چلیں“، یوہ کہن لگو ”متا ایک ایسا شخص کی لوڑ ہے جیہڑا ممتاز نصیحت کرے بے ہوں وی تیری طرح بن جاؤ“، وہ بولیو کہن لگو ”ہُن تنا کتے جان کی ضرورت نہیں توں بیس میرے کوں تنا ہوں دو نصیحت کروں، فرمیراتے تیرا کوئے فرق ہی نہیں رہن لگو“، بولیو: ”کہن لگو ہُن میری دو گل چنکی طرحیاں لے۔ سب تے پہلاں نماز چھوڑ دے اس تین بعد توں سچی جھوٹی قسم خوب کھایا کر۔ فرمیرے اور تیرا ما کوئے فرق نہیں رہن لگو، دو کم کرتے اس تین بعد توں میرا جیسو ہو جائے گو توں اپنا گروکو حقیقی چیلو ہو جائے گو“،  
وہ بزرگ شیطان کی یہ نصیحت سن کے بولیو ”خدا کی قسم! یہ دو کم ساری عمر نہیں کروں“، شیطان نے یاہ قسم سن کے کہیو ”اج تک ہوں ساری دُنیانا دھوکھو دیتا آیو ہاں ور تم تے میرا بھی اُستاد نکلیا اور ممتاز بھی دھوکو دے گیا، ہُن ہوں یوہ وعدہ کرو کہ آئندہ اپنادل کی گل کسے ناہیں دسٹی اور نہ ہی کسے کا دھوکا ما آؤں گو“۔

راوی: مشتاق احمد کٹاریہ

## خالی جگہاں نامناسب لفظاں سنگ بھرو:

ایک دفعہ کوڈ کر ہے کہ ایک گراں ماچ ہی نیک تے بڑونمازی ایک ..... رہ تھو۔  
 (جو ان، پچو، بزرگ)

وہ جد..... تے نکل کے تھوڑا دُور پہچو تیں اس ناگاتے ایک بزرگ شخص ملیو۔  
 (رسٹہ، گھر، کوٹھو)

”منا ایک ایسا شخص کی لوڑ ہے جیہڑا وِ منا۔ کرے بے ہوں وی تیری طرح بن جاؤ۔

(وصیت، نصیحت، رخصت)

فرمیراتے تیراما کوئے ..... ہی نہیں رہن گلو۔  
 (فرق، مقابلو، معاملو)

توں میرا جیسو ہو جائے گو توں اپنا گروکو ..... چیلو ہو جائے گو۔  
 (حقیقی، سچو، جوٹھو)

”خدا کی قسم! یہ دو کم ساری عمر نہیں .....  
 (کرتو، کرسوں، تھھر سوں)

یوہ ..... کرو کہ آئندہ اپنادل کی گل کسے نانہیں دسی اور نہ ہی کسے کا دھوکہ ما آؤں گو۔ ( وعدو، یقین، امید)

## جملاءں ماستعمال کرو:






# اکھ

انسانی جسم ما اکھ خدا تعالیٰ کی نعمت ایں۔ اکھاں سنگ ہی ہم دنیا کا ناظارے ناں دیکھ سکاں۔ انسانی چہرہ اپر اکھ خاصی خوبصورت ہوئیں۔ اکھاں کا کئی ناں ہوئیں۔ کٹوری، بادامی، شربتی، سرمیائی، نشلی، بلوری، گلابی، خونی، جنونی، جادوئی، کیسری وغیرہ اکھ۔

یہ رنگارنگ اکھ دل نا موه لیں۔ اکھ کا لجو کڈھن آلی ہوئیں۔ اکھ خاموش، طوفانی، عیارتے شرارتی وی ہوئیں۔ فتنو پیدا کرن آلیں وی ہوئیں ہور دلاں نا جوڑن آلی وی ہوئیں۔ بے شرم تے بے حیا وی اکھ ہوئیں۔ محاری اکھ پاک تے صاف حیا آلی ہونی چاہیے۔ کلامِ الہی ما ہے جے ”کیا ہم نے انسان نادواکھ نہیں بخشیں“، ایک آدمی جیہڑا وatto ہوئے جس کی اکھ نہیں ہوتیں، اُس اکھ آلاتیں صد ہزار درجہ بہتراءے جس کی اکھ تے ہیں ورنیک بین نہیں۔ حقیقت وی یاہ ہی اے جس کی اکھ کو پانی سُک گیو یعنی بے حیا ہو گیو واه اکھ بے قیمت اے۔ ویہہ اکھ جیہڑی مندوراہ دیں بہتراءے دوئے اکھ نہ ہی وھیں۔

اکھ زبان نہ ہون کے باوجود اشاراں ہی اشاراں ماسب کچھ کہہ جیں۔ عام آدمی مجھ تھوڑیں ور عقل آلا سب کچھ پا جیں۔ ایک قسم قهر آلی اکھاں کی وھے۔ جس کو ذکر کلامِ الہی ما ہے کہ ”جد ان شریف لوکاں خصلت گزریں تے اکھ ماریں“، یوہ اکھ مارنوتے دو جاں کی طرف اشارو کرنو ایک مندو تے کمینہ خصلت کو کم ہے۔



اکھاں اکھاں ما کجھ طے کر لینو فیصلو کر لینو، چلگو پروگرام بنا لینو تے ٹھیک ہے ور بر منصوبا بنا نو چھ ہی مندو عمل ہے۔ اکھ دل کی گل کریں۔ دل کی چنگی مندی گلاں نامحسوس کر کے اظہار کریں۔ نیویں نظر حیا کی علامت، اپنی نظر دعا کی تے ٹیڑھی ترچھی نظر ادا کی علامت ہوئے۔

اکھ یا لانو اکھ لگنو یوہ اک محاورو ہے جس کو مطلب ہے ”سو جانو، بد نظر کو لگنو، کسے پر فدا ہو جانو، نیند کو آنزو“ جد نیند آئے تے اکھ بند ہو جیں۔ جد نیند آئے تے اکھ چھٹ گھڑی سکون حاصل کر کے آئندہ کم واسطے تازہ دم ہو جیں۔ ایک صحت مند انسان جد سوئے تے ست منٹ کے اندر اندر اس پر نیند کو غلبو آجائے۔ نیند وی موت ہاروں علان کر کے ڈھول مار کے نہیں آتی۔ جد نیند آئے تے طاقت و رانسان کی اکھاں نابند کر لئے۔

مٹھی نیند خدا کی بخشی وی ایک عظیم نعمت ہے۔ اگر کسے نا نیند نہ آئے تے زندگی اس واسطے و بال جان بن جائے۔ جن کی رات اکھ بند ہوتیں مطلب نیند نہیں آتی وے ترڑف ترڑف کے رات گزاریں۔ کئی لوک بے وقت وی سوئیں۔ بے وقت کی نیند بڑی خوست آلی وہ ہے۔ ہر رات کا پچھلا پھر مادھاں کی طرف سے اک دولت بندڑے جھے۔ جیہڑے وسوئے وہ کھودے جیہڑے وجاگے وہ پاولے۔ رات کا کجھ حصہ ما اکھ بند کر کے سونو صحت واسطے ضروری اے، قیلوے سونو چنگو نہیں ہوتے۔

اللہ تعالیٰ نا منان کو سب کو لوں بڑو ہتھیار اکھ ہیں۔ اللہ پاک غمزدہ اکھاں نامحبت تے قبولیت کی نظر اس سنگ دیکھے۔ جیہڑی اللہ کا خوف سنگ بکن لگیں۔

## پڑھو تے سمجھو:

عياری	:	عياري يعني بدمعاشي آلو
محظوظ	:	لطف لينو، تکنو
حیا	:	شرم
صد ہزار	:	سو ہزار
بدترین	:	سب کولوں مندو
موہ	:	محبت
وابل جان	:	جان کو عذاب

## ہُن تم انہاں سوالاں کا جواب دیو:

- ۱۔ انسانی جسم ما کھگو کے کم ہے؟
- ۲۔ کلام الہی ما کھ کا بارا کہ کہیو گیو ہے؟
- ۳۔ اکھ لتنا قسم کی وی ہیں؟
- ۴۔ صحت مند آدمی ناکتنی دیر مانیندا آجے؟
- ۵۔ ”اکھ بند ہو جان کو کے مطلب وھے؟

## خالی جگہاں نامناسب لفظاں سنگ بھرو:

انسانی جسم ما اکھ خدا تعالیٰ کی ..... ایں۔ اکھاں نال، ہی ہم دُنیا کا نظاراں تین مخطوط ہواں۔ (رحمت، نعمت، عزت)

بے شرم تے بے حیاوی اکھ ہوئیں۔ مھاری اکھ ..... تے حیا آلی ہوئی چاہیے۔  
(چنگی، سونہ، پاک و صاف)

اکھ قوت، گویائی تین ..... ہون کے باوجود اشاراں ہی اشاراں ماسب کجھ کہہ جیں۔  
(مجبور، معذور، محروم)

اکھ دل کی ..... کریں۔ دل کی چنگی مندی گلاں نامحسوس کر کے اظہار کریں۔  
(ترجمانی، حیرانی، پریشانی)

مٹھی تے گھری ..... واقعی خدا کی بخشی وی ایک عظیم نعمت ہے۔  
(پہکھ، نیند، ترے)

اللہ پاک غمزدہ اکھاں نا ..... تے قبولیت کی نظر ان نال دیکھے۔  
(قبولیت، محبت، لیاقت)

## جملاء ماستعمال کرو:



# دُنیا کی سب تیں اُچی عمارت



جد ہم کے شہر ماجاں تے مھاری نظر اُت بنيا و اس سب تیں اُچا مکان پڑھر بھے۔ اس کا باراں ماگھ جان کی خواہش وی ہوئے۔ اس واسطے دُنیا کی اُچی عمارتاں کا بارا ماجان کی خواہش بھی فطری ہے۔ دُنیا کی سب تیں اُچی عمارت ”ایمپریسٹ بلڈنگ“، ہے یا عمارت امریکہ کا شہر نیویارک ماداقعہ ہے۔

ایمپریسٹ بلڈنگ 1931ء مکمل ہوئی۔ تے تد تیں ہی یاد دُنیا کی سب تو اُچی عمارت منی ہے۔ اس کی 120 منزل ہیں۔ جن مادوکان، رہائشی فلیٹ تے دفتر قائم ہیں۔ 1250 فٹ اُچی اس عمارت گا اُپر بنيا و ایلی ویژن کا کھمباناوی اسکی اُچائی ماشر کیوجے تے اس کی گل اُچائی 1428 فٹ ہو جے۔

السمتھ ناں کا اک شخص نے اس عمارت ناں تعمیر کرایو تھو۔ اس پر اس زمانہ مالے 4 کروڑ 9 لکھ 48 ہزار 9 سو ڈالر کو خرچو آیو تھو۔ یاہ عمارت اپنی خوبصورت تے مضبوطی کی وجہ سنگ ساری دُنیا ما اپنوا ک خاص مقام رکھے۔ نیویارک کی بنجویں شاہراہ وربنی وی ساری عمارت اسماں نا چھوتی سئی لگیں۔ ایمپری کی جگہ پہلاں ”والڈروف اسٹوریہ“ ناں کی اک شاندار عمارت تھی اس ناپوری طرح چاڑھ کے اپر میل 1930ء ماس کی تعمیر ہوئی۔



سب تیں بڑو سوال تھو تعمیراتی سامان نالیاں لیجان تے رکھن کو۔ کیوں  
جے نیویارک جیا گھنی آبادی آلا شہر ماراہ چلن آلا، موڑ کاراں آلا،  
لاریاں آلاں کی ہمیشہ بھیڑ لدھے تے جگہ کی تنگی کی وجہ سنگ یوہ پورہ  
شہر اپنی عمارتیاں نال بھریو وہ ہے۔ اس کو حل یوہ لوڑ یوگیو کہ ضرورت  
کے مطابق بنان کو سامان تعمیر آلی جگہ پوچھا یو جے۔ بڑا بڑا کرین اس نا  
اپر پہچاویں تھا۔ جد عمارت کی اچائی بدھی تے بشکار لی منزل ماوی  
کرین لگایا گیا۔ ایک درمیانی اسٹیشن وی بنا یو گیو۔ تاں جے سامان ہور  
زیادہ اچائی تک آسانی سنگ ہبھیو جاسکے۔

ایمپریاٹر مارہن آلا واسطے ہر طراں کی سہولت ہیں۔ الگ الگ  
جگہاں پر لگاوا 74 لفت دن رات کم کریں۔ یہ اک منٹ مبارہ سوف اپر تھلے  
آتا جاتا رہیں۔ تے اک گھنٹہ مانڈرا سوم سافراں نالے جان کو کم کریں۔  
عمارت کی اپر لی منزل پر امریکہ کی مشہور ٹیلی ویژن  
کمپنیاں کا دفتر ہیں۔ جتوں دن رات پروگرام نشر ہوتا رہیں اس ضرورت  
واسطے عمارت کے اپر 122 فٹ اچوٹا اور وی بنا یو گیو ہے۔ ٹاور کی مجھ لمبائی کی وجہ سنگ انہاں ٹیلی ویژن اسٹیشناں کا پروگرام  
ڈورڈور تک دیکھیا جیں۔

ایمپریاٹر اسٹیٹ بلڈنگ ہر لحاظ سنگ دنیا کی اک مشہور عمارت ہے تے نیویارک آن آلا سیلانیاں واسطے خاصی کشش  
رکھے۔ اس کی 68 ویں تے اپر لی منزل پر کمراں کے بڑا بڑا اسٹیشنے لایا گیا ہیں جتوں میلیاں ڈور تک کو سو ہونو نظر اور دے۔ سیلانی  
ایمپریاٹر بلڈنگ نا دیکھن بنن اس شہر بچوں نہیں جاتا۔

اتی لمی چھڑی عمارت ما بھار اسaman نا ات ات لیجان گو مسلو تھو۔ عمارت ما پہلاں تیں اک پڑی بچھائی گئی ہے جس کا ذریعہ سامان کی ٹرالی لے جائی جیں۔

یاہ مضبوط عمارت پوری کی پوری لوہا کا جال کی بنی وی ہے۔ اس وریمنٹ تے بھڑی کو کم کیو گیو ہے۔ لوہا کا کھمباء، اڑام تے چھٹ پہلاں ہی تیں تیار کر کے ات رکھیا گیا تے فر انہاں نا مقررہ جگہاں ورفٹ کیو گیو۔

اپنی عمارت واسطے کئی طراں کا خطرہ وہیں۔ سب تیں بڑو خطر و تیز ہوا کو وھے اس واسطے عمارت کا چار چوفیری ایسو انظام کیو گیو ہے جے یوہ ہوا کو مقابلو کر سکے۔ اس کے علاوہ مندری اڈاری آلا ہوائی جہازوی اس واسطے خطرناک ہیں۔

اک وار دھند ما اک ہوائی جہاز اس عمارت سنگ ٹکرایو تے عمارت کی اپر لی منزل ناقصان پچھپو۔ ہن اس ور توجہ دیتی ہے۔



## پڑھو تے سمجھو:

شہراہ	:	بڑی سڑک
تعمیر	:	بنانو
سیلانی	:	سیر کرن واسطے آن آلالوک
کشش	:	کچھ، خوبصورتی جیہڑی چنگلی لگے

## ہُن تم انہاں سوالاں گا جواب دیو:

- ۱۔ دُنیاک سب توں اُچی عمارت کو ناں کے ہے؟
- ۲۔ یاہ عمارت کس ملک تے کس شہر ما واقعہ ہے؟
- ۳۔ یاہ عمارت کس سن ماں بڑی؟
- ۴۔ ایمپارز بلڈنگ نا بنان آلا شخص کو ناں کے تھو؟
- ۵۔ اس عمارت کی اُچائی کتنا فٹ ہے؟
- ۶۔ اس عمارت کی آخری منزل کا چھت ور کے لگو ہے؟
- ۷۔ اس عمارت نا بنان ور کتو خرچو آیو؟
- ۸۔ اُس گا اُپر لگا ٹاور کی اُچائی کتنی ہے؟

## خالی جگہاں نامناسب لفظاں سنگ بھرو:

”ایمپر اسٹیٹ بلڈنگ“ ہے یا عمارت ..... کا شہر نیویارک ماقعہ ہے۔ (برطانیہ، امریکہ، روس)

ایمپر اسٹیٹ بلڈنگ 1931ء مکمل ہوئی۔ تے تیں ہی یادُ دنیا کی سب تو ..... عمارت منی جے۔ (مہندری، اُچی، چھوٹی)

اک گھنٹہ مانڈراسو ..... ال نالا ہن لے جان کو کم کریں۔ (مسافر، لوک، آدمی)

..... کی پُچھ لیائی کی وجہ سنگ انہاں ٹیلی ویژن اسٹیشنز کا پروگرام دُور دُور تک دیکھیا جیں۔ (ٹاور، کندھ، رستو)

ایمپر اسٹیٹ بلڈنگ ہر لحاظ سنگ دنیا کی اک مشہور عمارت ہے تے نیویارک آن ..... واسطے خاصی کشش رکھے۔ (سیلانیا، لوکا، سائنس دانان)

اتی لمی چھڑی عمارت ما بھار اسماں نا انگاں انگاں لیجان گو ..... تھو۔ (مسئلو، رستو، مشکل)

## جملاءں ماستعمال کرو:





# میاں نظام الدین لا روی

(پیدائش: 25 مارچ 1896ء۔ وفات: 10 اکتوبر 1972ء)

تاریخ گواہ ہے جس نے زبان کی ترقی نصیب ہوئی جس نے سرکاری پست پناہی نصیب ہوئے۔ ریاست جموں و کشمیر میں صدی کے نال ہی گورنمنٹ کی ترقی تے چڑھتے پچھے دی اک بادشاہ جیا بند کو ہتھ تھو۔ جس نے اپنی مادری زبان اپنا دربار کی سرکاری زبان بنانے کے رکھی۔ اس بادشاہ نے دُنیا بابا جی صاحب لا روی کا نام سنگ جانیں۔ میاں نظام الدین لا روی صاحبؒ کا فرزند تے جانشین تھا۔

سلسلہ نقشبندیہ کاروہانی بزرگ ہون کے سنگ محاری ریاست کی سیاست تے ادب ماوی میاں نظام الدین لا رویؒ ہوراں کو بڑو اچھو مقام ہے۔ گجر قوم ناؤچے ربوبتے مقام دلان مابا با صاحب کو بڑو ہتھ ہے۔ ریاست کی تاریخ ماوی ان کو بڑو اہم روں رہیو ہے۔ وی ملک کی تقسیم تین بعد قریب دس سال توڑی ریاستی قانون ساز اسمبلی کا ممبر وی رہیا ہیں تے قوم کی خدمت کرتا رہیا ہیں۔

پہلا دور کا اکثر گورنمنٹ کھاڑیاں ہاروں میاں نظام الدین لا رویؒ ہوراں کو وی زیادہ کلام پنجابی سی حرفی کی صورت میں ہے۔ جیہڑو ”اشعار نظامی“، کنان سنگ شائع ہو یو ہے۔ گورنمنٹ کو کلام ماروہانی حالات واضح نظر آؤیں۔ وے زندگی ماکثر رویں ہو یوں تھاتے رون نافخر نال اپنی وراثت سمجھیں تھا۔ انکا دربار ماڈبی محفل وہیں تھیں جن ماسائیں قادر بخشؒ، خدا بخش زار جیسا اچالوک شامل وہیں تھا۔



میاں نظام الدین لا رویؒ ہوراں کو انتقال 1972ء مابا نگری  
وانگلت ماہوتے اتے جی صاحب کا پہلو مادر فون ہو یا۔

میاں نظام میاں لا روی حاجی بابا جی صاحبؒ نامحاری ریاست کا لوکاں ما  
ایک اچھو مقام حاصل ہے۔

## پڑھو تے سمجھو:

پشت پناہی	:	کنڈھ ورہنو، حوصلو بدھانو
فرزند	:	پوت
جانشین	:	جگہ لین آلو، وفات توں بعد اُس کی گدی ورنیں آلو
نقشبندیہ	:	اک صوفی سلسلو
قانون ساز	:	قانون بنان آلو
وراثت	:	جیہڑی چیز وارث مادیٰ تی جے
قدرت دانی	:	قدر کرنی، عزت تے مان دینو

## خالی جگہاں نامناسب لفظاں سنگ بھرو:

تاریخ گواہ ہے جے دنیا ماہمیشاں اُسے ..... ناترقی نصیب ہوئی جس ناس رکاری پشت پناہی نصیب ہوئے۔

(زبان، بولی، گل)

میاں نظام الدین لاروی، بابا جی صاحب لاوری کافرزندتے ..... تھا۔

(جہانگیر، جانشین، بادشاہ)

محاری ریاست کی ..... تے ادب ماں وی میاں نظام الدین لاروی ہوراں کو بڑو اچو مقام ہے۔

(سیاست، ریاست، وراثت)

پہلا دور کا اکثر گوجری لکھاڑیاں ہاروں میاں نظام الدین لاروی ہوراں کو وی زیادہ کلام پنجابی .....

(غزل، سیحر فنی، گیت)

کی صورت ما ہے۔



# نعت پاک

اُچیری محمد ﷺ کی شان اللہ اللہ  
مدینے ہوں جاؤں نہیں سمیان کو لے  
ہے کھوئی جئی بس اک جند جان کو لے  
ہے آقا کو ڈاہڈو گمان اللہ اللہ  
اُچیری محمد ﷺ کی شان اللہ اللہ

غربی ہے کوئے وی نہیں سنگ کرتو  
کوئے میرے بہڑے قدم وی نہیں دھرتو  
ہوں آیو درد کل سنان اللہ اللہ  
اُچیری محمد ﷺ کی شان اللہ اللہ

سلام دُروداں کے صدقے ہوں جاؤں  
 ہوں بے نور اکھاں نا مُرط مُرط گھماوں  
 ویہ آیا تھا رحمت برہان اللہ اللہ  
 اچیری محمد ﷺ کی شان اللہ اللہ


کلکھی اندھیرو ہر اک پاسے آقا!  
 ٹُرن کی نہیں لگتی کائے آس آقا!  
 ہوں اُمتی ہاں دیئو امان اللہ اللہ  
 اچیری محمد ﷺ کی شان اللہ اللہ  
 نسیم پُونچھی




## خالی جگہاں نامناسب لفظاں سنگ بھرو:

- |                         |                                   |
|-------------------------|-----------------------------------|
| (کھسیری، اچیری، بڑی)    | ..... محمد کی شان اللہ اللہ       |
| (جند جان، سامان۔ ارمان) | ..... ہے کھوٹی جئی بس اک کو لے    |
| (سنگ، ہمیں، نال)        | ..... غربی ہے کوئے وی نہیں کرتو   |
| (صدق، واری، قربان)      | ..... سلاماں دُروداں کے ہوں جاؤں  |
| (بے نور، بے رنگ، بے بس) | ..... ہوں آکھاں نامُرِ مُر گھماوں |
| (مولانا، آقا، اللہ)     | ..... کلکھی اندھیر و ہراک پاسے !  |
| (امید، آس، یقین)        | ..... ٹُرن کی نہیں لگتی کائے آقا! |

## جملات ماستعمال کرو:





عظمیم سائنس دان

## تمامس الیوا ایڈ لیسن

کے تم ناپتو ہے جے مھارا تھارا گھر ان مالودین آلو پھلوا لوکس نے بنایو؟ وہ کون عظیم سائنس دان تھو جس نے ساری دنیا مابھلی نالو  
واسطے استعمال کر کے ہر پاسے لات لائیں۔

امریکہ کا اُس عظیم سائنس دان کو نام ”تمامس الیوا ایڈ لیسن“، تھو جس ناعام طور و رائیڈ سین کا نام سنگ جانیو جے۔ ایڈ لیسن 1847ء ما  
پیدا ہویا۔ زکا ہوتا ہی ایڈ لیسن عجیب و غریب شرارت تے کم کرآلہ کرے تھو۔ ایڈ لیسن ایکلو بیس کے اس دنیا مابھون آلی تبدیلی تے اس نا ہور بہتر  
بنان و رغور کر تو رہے تھو۔ ایڈ لیسن بارے اک کہانی بڑی مشہور ہے جے اک دن اُس کا گھر اُس کی ماں نے آٹھاں نا گھڑی پیٹھ تاء و اسٹر رکھیو۔  
ایڈ لیسن نے ماں کو لوں پچھیو کہ اُس نے ایسو کیوں کیوں ہے۔ ماں نے دسیو جے گھڑی انہاں آٹھاں ناتاء دھی گی تے فر گھڑ دھیاڑاں بعد انہاں  
بچوں پچھے نکل آؤیں گا۔

ایڈ لیسن نے یا گل سُنی تے فٹ گھج آٹھاں لیا تے اُن کے اپر جا کے بیس گیو۔ سنیاں ساتھیاں نے پچھیو جے یو توں کے کرے تے اُس  
نے جواب دیو: ”اگر گھڑی آٹھاں ورنیں کے تاء دے تے انہاں بچوں بچا کلڈھ سکیتے ہوں کیوں نہیں کر سکتو“۔  
ایڈ لیسن صرف ترے مہیناں سکول گیو تے فر سکول چھوڑ کے سڑکاں و را خبار پچن لگو۔

اس نے بعد ما اک اخباروی جاری کیو جیہڑ و تھوڑی مدت بعد ہی بند گیو۔ تے فراس نے اک جگہ ملاز مت کر لی۔ اسے دوران اس نے  
سائنسی کھوج گوئی شروع کر لیو۔

ایڈ لیسن نے اپنی انھک مختت تے قابلیت سنگ اگے جا کے سائنس کی دنیا باہت بڑوانقلاب آئیو۔ اس نے بھلی کو لاٹوا بیجاد کیو تے  
ناں ہی اُس نے پہلی ٹیلی گراف مشین وی ایجاد کی۔ اس توں علاوہ بھی ایڈ لیسن کی کئی کھوج تے ایجاد ہیں جنہاں سنگ اس دنیا کو نقشو بدلتے  
ری زندگی و راں کا بڑا ذہنگا اثرات ہویا۔

## خالی جگہاں نامناسب لفظاں سنگ بھرو:

وہ کون عظیم سائینس دان تھو جس نے ساری دنیا مابھلی نالو واسطے استعمال کر کے ہر پاسے لات لائیں۔

(سائینس دان، انجینئر، ڈاکٹر)

امریکہ گا اُس عظیم سائینس دان کوناں ”تحامس الیوا ایڈیسِن“، تھو جس ناعام طور پر ..... کا ناں سنگ جانیو جے۔

(ایڈیسِن، میڈیسِن، جوز)

کلکڑی انہاں آنڑاں نا..... دھے گی تے فر کجھ دھیاڑاں بعد انہاں بچوں بچہ نکل آؤں گا۔

(تاء، داء، گھاہ)

اس نے بعد ماک ..... جاری کیو جیہڑا تھوڑی مدت بعد ہی بند گیو۔

(اخبار، ریڈیو، ٹیلی ویژن)

ایڈیسِن نے اپنی انھک مختت تے قابلیت سنگ اگے جا کے سائینس کی دنیا مابہت بڑو ..... آئیوں۔

(تبدیلی، روشنی، انقلاب)

## جملاں ما استعمال کرو:



## محار و ملک ہندوستان

محار املک کوناں ہندوستان ہے۔

اس ناہندی ما ”بھارت“ تے انگریزی ما ”انڈیا“۔

15 اگست 1947ء توں پہلاں ہندوستان و ر انگریز حکومت کریں تھا۔

جہاں نا ”فرنگی“ وی کہیں تھا۔

انگریزاں نے ہندوستان و ر کئی سو سال حکومت کی۔

اسے دوران ہندوستان کا سارا لوک کہیں

جہاں ماہندو، مسلمان، سکھ تے عیسائی سب مذہبیں نامن آلا لوک شامل تھا۔

انگریزاں کے خلاف آزادی کی لڑائی شروع کی۔

اس لڑائی ماہما تما گاندھی لوکاں کا موہرے رہیا۔

اس لڑائی ماہندوستان کا لوکاں نے بڑی قربانی دیں۔

تے انگریزاں نے مجھ ظلم کیا۔

لمی لڑائی توں بعد ہندوستان انگریزاں کو لوں آزاد ہو یو۔

تے ات ہندوستان کا لوکاں کورا ج قائم ہو۔



ہندوستان کی راجدھانی دہلی ہے۔

راجدھانی اُس شہر ناکہیں جتوں حکومت اپنوم کا ج چلاوے۔

دہلی اک تاریخی شہر ہے۔


مہاراملک کا زیادہ تر لوک گراں مابسیں۔

تے زمینداری کریں۔

ہم سب کو فرض ہے جے اپنا ملک سنگ پیار کراں۔

تے اس کی ترقی واسطے محنت سنگ کم کراں۔

کیوں جے اگر ہندوستان ترقی کرے گوئے ہم سب خوشحال رہاں گا۔





# محاری زمی

تم نے کدے اس ساری کائنات ور غور کیو ہے؟ تم ناپتو ہے جے محاری کائنات ما کے گھجھ ہے؟ ذرّا کولوں لے کے اسماں کا تاراں تے ستاراں تک ہر شے جیہڑی موجود ہے کائنات کو حصو ہے، یہ ساری چیزیں کائنات بنے۔ زمی، اسماں، ہوا، پانی، پہاڑ سب اس کائنات کو حصو ہیں۔

اسماں ور چمکن آلاتارا اسے کائنات کو حصو ہیں۔ سیارا جہاں بچوں اک سیار و محاری زمی ہے، جیہڑو کائنات کو اک حصو ہے۔ محاری کائنات کو مجھ بڑو تے لازمی نظام سورج کو نظام ہے۔ یعنی سیاراں گو نظام۔ اس ناہم سائنسی زبان مانظام سمشی کہاں۔ اسے نظام سمشی بچوں اک سیار و محاری زمی وی ہے۔

زمی ایسو سیارو ہے جس ور زندہ رہن واسطے ساری بنیادی تے ضروری شے موجودہ ہیں مثال کا طور اپر ہوا، پانی تے دوجی لوڑتیں ضرورت۔ ہوا توں بجن کوئے شے زندہ نہیں رہ سکتی، تے پانی توں بجن وی زندگی قائم نہیں رہ سکتی۔

محاری یاہ زمین مج بڑو سیارو ہے۔ اس ور پہاڑ، دریا، شہر گراں، سمندر، برف تے دو جی چیز نہیں۔ پر یاہ زمی جس طرح کی ہم ناد سے اُس طرح کی ہے نہیں یا اصل ماؤں ہے۔ پوری نہیں بلکہ نارنگی یا آنٹرا ہاروں گول ہے۔ سائنسدانوں نے زمین کو معاشو کیوں ہے تے اسماں بچوں نئی تکنیک کا ذریعے اس گا نقشہ وی لیا ہیں۔

زمی اپنا محور و مغرب توں مشرق کی طرف گولائی ما پھرے تے اس توں علاوہ دینہ کے چوفیری وی چکر لاوے۔ اپنا دھیاڑی محور ور چکر لان ما زمی چوبی گھنٹا لاوے جس ناروزانہ گردش کہیں تے اس کا سنگ دن رات کو پھیر پے۔ دینہ کا چوفیری چکر زمی 365 دھیاڑاں ما پورو کرے۔ زمی کی اس گردش نا سالانہ گردش کہیں۔



محاری زمی پرست حصہ پانی تے ترے حصہ خشکی ہے۔ زمی مج بڑی ہے جیہڑا حصہ زمی کو دینہ کے سامنے وھے اُت دن وھے تے جیہڑا اس گا پچھے ہووے اُت رات ہو جے۔ زمی روزِ اول توں چکر لاوے، سالانہ وی تے روزانہ وی۔ زمی گی سالانہ گردش سنگ موسم بنیں جد کہ روزانہ گردش کا نال دن رات تے رات کو پھیر پیو۔

محاری اس زمی کے اُپروی تے زمی کے پیٹھ وی لاعداد قسم کی مخلوق تے ہور چیز موجود ہیں۔ زمین کے اندر وی اُس کی اُپر ہاروں بے بہا حیران کرن آلی چیز موجود ہیں۔ اس کے اندر دھات تے گیس مج زیادہ مقدار ماموجود ہیں۔

## ہن تم انہاں سوالاں کا جواب دیو:



- ۱۔ کائنات ما کے کے شامل ہے؟
- ۲۔ نظام سماشی کس ناکہیں؟
- ۳۔ محاری زمی کس شکل گی ہے؟
- ۴۔ روزانہ گردش کو کے مطلب ہے؟
- ۵۔ سالانہ گردش کس ناکہیں؟
- ۶۔ محاری زمی گا کتنا حصہ پانی تے کتنا حصہ خشکی
- ۷۔ زمی اپنی سالانہ گردش کتنا عرصہ ما پوری کرے

## خالی جگہاں نامناسب لفظاں سنگ بھرو:

(رات، دن، کائنات)	زمی، اسماں، ہوا، پانی، پہاڑ سب اس..... کو حصو ہیں۔
(حصو، دینہ، چن)	اسماں ورچمکن آلاتا را اسے کائنات کو..... ہیں۔
(گول، چٹی، لال)	محاری زمی پدری..... نہیں بلکہ نارنگی یا آنڑا ہاروں گول ہے۔
(گولائی، چھڑائی، تریڈی)	زمی اپنا حور و مغرب توں مشرق کی طرف..... ماں پھرے۔
(ست، چٹ، دو)	محاری زمی ..... حصہ پانی تے ترے حصہ خشکی ہے۔
(موجود، نہیں، غائب)	اس کا اندر دھات تے گیس مچ زیادہ مقدار ماں..... ہیں۔

نوت